329 *

tutte cosse che si sa. In conclusion, il marchexe è fato francese e aderitosi a la voglia di la moglie, e tien non farà 0; à 'uto da la Signoria ducati 16 milia et dal papa ducati ... milia, et starassi. Item, disse di nostri oratori di Bologna tre cosse: una, poi è lì non sono stati do volte dal papa, solum va il Donado; 2.º, non hanno visità il cardinal Medici, ch'è tutto marchesco; tertio, che stanno li con gran spexa et pocho fructo. Item. disse dil papa e di la sua egritudine; e come el benedì, e parole li disse. Item, altre particularità. Et disse, come l'havia speso in tutto ducati 125. Et laudò Hironimo Dedo, secre-· tario, stato con lui; et poi vene zoso. Nè il principe lo laudò, ni altro; imo tutto il pregadi se ne acorsse, questo pregadi esser per lui. Qual lo chiamò sier Zacaria Dolfim, savio dil consejo, ch' è in setimana, suo amico, et senza meter parte alcuna. Solum vene queste letere:

Di sier Pollo Capello, el cavalier, provedador zeneral, date a Vignola, a dì 28. Come è ritornati fra' Lunardo e domino Antonio di Pij, da Bologna, dove è stati in camera dil papa, con el signor Fabricio e li do dil ducha di Urbino. E, consultato la materia, parlò primo fra' Lunardo, laudando la impresa di Ferara; poi el Pij, qual narrò molte cosse di dita impresa, che piaque molto al papa; poi il signor Fabricio; adeo tutti concluseno di tuor l'impresa di Ferara, e cussì à deliberato il papa si vadi, ma prima a tuòr la Mirandola. Item à letere, di 27, 3 hore di note, di oratori nostri, da la corte, come il papa sta ben etc.; qual manda a la Signoria nostra, et è a lui drezate. Item, à una letera dil cardinal Corner, di la corte. Li scrive che 'l papa li havia dito, che si aspetava lì domino Matheo Lanch, episcopo curzense, ritornato di Franza in Alemagna; et vien con bone cosse dal papa. Item, scrive dito provedador, si provedi di danari per pagar le zente; è il tempo; monta più di ducati 20 milia etc.

Et fo licentiato pregadi a hore 23. Et restó consejo di X con la zonta; steteno pocho, et spazono in corte.

Noto. In questa sera, a hore 2 di note, vidi in cielo do comete, una vicino a l'altra, molto longe, qualle comenzavano da tramontana e vardava versso E cussì la matina poi molti disseno averle vedute. Non so si fosse processo per li gran venti usati questi tre zorni. Quello sarà, ne farò mentione.

330 A di 3 dezembrio. La matina. Fo letere di la Cucha, dil provedador Griti, di eri. Chome è lì, e voria levarsi e aver ordine di la Signoria nostra; e altre particularità; e andar a Porto etc.

Di domino Lunardo Grasso, prothonotario,

a sier Nicolò Zorzi, date a l'Albare', a dì 2. Come à ricevulo la letera di lo aviso di la parte, presa im pregadi, di la taja. Ringratia assai, che per una simplice sua letera sia stà posto tal parte nel senato, contra quelli tristi, li hanno brusato etc.; e aspeta la letera al provedador Griti, la qual la manderà ad executione. Item ha, si dice esser zonto alcune zente in Lignago, per suspitione che 'l nostro campo non vadi a Porto et Lignago; e per volersi certifichar, in questa sera à mandato uno li a Lignago, qual starà quella sera lì, e diman ritornerà e porterà la zerteza. Di Verona 0, excepto che quelli sono in la terra enseno fuora, et conducono vituarie dentro, più che pono. De Peschiera, zonse el Contin cum alcuni cavali lì, qualli sono alozati tra Monzambam. Ponti et Peschiera. Item scrive, presto il campo si leverà dove l'hè; et, retirandossi, saria mal sì per la reputatione come per la ruina de quelli paesi e contadini, perchè, partiti tuti, sarano brusati; e, stando lì, voria far uno ponte sopra l' Adexe, lì a l' Albare', con uno bastione di là dil fiume, con una optima guardia, restrenzendo tuto lo exercito più streto si potesse. E cussì nostri sariano tra Verona e Lignago, sì di qua come di là di l' Adexe, li cavali lizieri nostri scorsizariano fino a Brexa, e si tegneria sempre i nimici in exercitio, nè in Verona intraria vituaria.

Da poi disnar fo pregadi, per la parte di debitori da le cazude, numero 250 milia, et fo messa per sier Alvise da Molin, savio dil consejo, sollo, che li debitori pagaseno in termine di zorni . . . senza pena, a ducati 70 el 100 di quelli è debiti al dito officio, ut in parte. Contradise sier Alvise di Prioli, savio a terra ferma. Parlò, per la sua parte, sier Alvixe da Molim; poi, contra, sier Zacaria Dolfim, savio dil consejo. Parlò poi sier Piero Capello, dicendo il bisogno dil dinaro; et non laudava ni l'una ni l'altra oppinion, e si dovesse trovar danari, e quasi laudò questa parte dil Molim. Parlò poi sier Alvixe Malipiero, el consier, et fe' bona renga contra questa opinion dil Molin, dicendo, si faria de' boni cativi; e di le parte messe per il Molin in questa guerra, pocho frutto à facto; et bisogna aidar la terra, et farsi pagar da chi po' etc. El Molin etiam, et li savij altri dil colegio, messeno a l'incontro certa parte, che li debitori di le tanxe e decime potesseno scontar, ut in parte ; la copia di la qual sarà scrita qui avanti. Et ave 119, et quella di Molim 35. Nè altro fu facto.

Et vene letere di Candia, di Qual fonno lecte. O da conto.